

影
印
本

奉
天
通
志
(六)

辽海出版社

数字图书馆
PDG

奉天通志卷二百二十三

藝文志

盛京舊志藝文一門甄錄詩文散篇未曾論及著述此則清康熙修志之成法也惟會稽章氏創方志立三書議以爲藝文志應師漢書成法僅載書籍目錄略示流別又於志外別立文徵一門綜錄古今之作與志相輔近世所修畿輔湖北廣西諸志即用其例而志體爲之一變蓋內地諸省古今作者如林錄之則不勝其繁且如湖北諸省文徵已有成書無須錄入志中以取指大於腰之譏而奉省不然往代書闕有間不盡可徵金源之世略有著錄明人之作存者絕尠有清三百年間作者前後接武然如熙朝雅頌集八旗文經所最錄之詩文儘爲旗籍外此諸作亦無人爲之哀奉天通志 卷二百二十三 藝文志 一

錄及今不圖來日益難此不能盡從章氏之例又可知已今分藝文爲二部一曰書徵專載書籍目錄一用解題提要之法以明學術流別一曰文徵專錄古今名作分爲詩文兩編以示因文存人之旨浙江通志卽立經籍藝文二目經籍者卽本志之書徵也藝文者卽本志之文徵也文徵之作本師章氏而以之併入志中則爲稍變其例惟諸志最錄書籍皆依四部成法以經史子集分類茲依作者時代萃使相次以便尋覽先錄先正遺著次錄本省方志再次錄他省士夫涉及本省諸著此輯書徵之旨也文徵所錄亦分內外先有專集者書既易求故僅櫛錄數篇略存其概無專集者始爲盡量蒐采以防亡佚外篇則爲他省士夫涉及本省之作有則錄之不厭其多此又輯文徵之旨也纂集是志在他省

則爲因在奉省則爲棚因者易爲力而棚者難爲功也且舊志所錄多因遼東全遼二志而時加以刪易隋氏遼海志略所錄多於舊矣而蒐采仍未能備抑尤有難者有清一代旗籍諸公多由遼

左遷居京畿各省駐防亦多遼產儼屬旗籍卽目爲奉賢其原籍於吉江二省又將何以別乎且旗籍諸公亦有民籍改旗溯其祖先從未出關門一步者儼悉收之又失之濫近人所盛稱之遼東三老李戴陳馬諸公其祖先固籍遼左而其人一生平固未出關外一步也他如高其佩朱倫瀚之流亦皆類是茲凡有祖籍可考者悉以入錄其無考者概從割棄寧失之嚴勿失之濫若夫八旗人之著述詩文恐其日久無考應如熙朝雅頌集八旗文經之例別爲專書載之不必斷斷於此志求之也微旨所在讀者或有取奉天通志 卷二百二十三 藝文一 書徵一 遺著 晉 二

藝文一 書徵

書徵一 遺著

慕容氏家令 晉慕容廆撰

晉書 八 載記慕容廆昌黎棘城鮮卑人嘗從容言曰獄者人

命之所懸也不可以不慎賢人君子國家之基也不可以不敬稼穡者國之本也不可以不急酒色便佞亂德之基也不可以不戒乃著家令數千言以申其旨

太上章 晉慕容皝撰

典誠十五篇 同上

晉書 九 載記戴雅好文籍勤於講授親造太上章以代急就

又著曲誠十五篇以教胄子

燕志十卷 後魏 韓顯宗撰

孝友傳十卷 後魏 韓顯宗撰

魏書韓顯宗 之顯宗 傳顯宗撰馮氏燕志孝友傳各十卷 同北史 高

祖謂顯宗曰見卿所撰燕志及在齊詩詠大勝比來之文

按隋書經籍志燕志十卷記馮跋事魏侍中高閭撰此別爲

一書

韓顯宗集十卷 後魏 韓顯宗撰

魏書韓顯宗傳所作文章頗傳於世

隋書經籍志後魏著作佐郎韓顯宗集十卷

按顯宗昌黎棘城人又新舊兩唐書俱有後魏韓宗集五卷

奉天通志 卷二百二十三 藝文一 書徵一 遺著 後魏 三

未詳何人疑爲韓顯宗之誤

涼書十卷 後魏 高謙之撰

魏書高崇傳崇 父遼東顯祖 子謙之字道讓以父舅氏沮渠蒙遜

曾據涼土國書漏闕謙之乃修涼書十卷行於世 北史高謙之字道讓

隋書經籍志 史雜 梁書十卷高道讓撰 按隋書有所改諒作

遼東志 六 高謙之遼東人修梁書十卷行於世

按廣弘明集七有謙之涼書述已錄餘入藝文志文徵

高道讓集 後魏 高謙之撰

魏書高謙之傳所著文章百餘篇別有集錄 同北史

釋典論 後魏 釋紹撰

魏書孫紹傳紹字世慶昌黎人曾著釋典論雖不具美時有可存

李氏文筆十卷 後北齊 李廣撰

北齊書文苑傳李廣字弘基范陽人也其先自遼東徙焉博涉

羣書有才思卒後畢義雲集其文筆十卷託魏收爲之敘 按北史文苑傳作

七卷

閻苑集 後魏 耶律隆先撰

遼史宗室傳平王隆先 東丹王 耶律隆先 博學能詩有閻苑集行於世

薨葬醫巫閭山之道隱谷

按遼東丹人皇王子孫著籍宜州後改義州

清寧集 後魏 耶律隆先撰

奉天通志 卷二百二十三 藝文一 書徵一 遺著 北齊 遼 四

遼史耶律良傳良字習撚生於乾州讀書醫巫閭山重熙中遷

修起居注會獵秋山進秋游賦上幸鴨子河作捕魚賦遷知制

誥奏請編御製詩文目曰清寧集上命良詩爲慶會集親製其

序

海山文集 後遼 沙門耶律思孝撰

遼東行部志海山文集乃遼司空大師居覺華島海雲寺時所

製故目其集曰海山師姓耶名思孝

華表山人集 後魏 張浩撰

遼東志 六 張浩 金史遼本傳 著華表山人集 宋史遼志同金史

中州集 九 張左相汝霖字仲澤遼陽人父浩字浩然五子仲澤

奉天通志 卷二百二十三 藝文一 書徵一 遺著 后魏 北齊 遼

四七七

老人汝猷字仲謀父子兄弟各有詩傳於世

龍山集 劉仲尹撰

中州集 三 劉龍山仲尹字致君蓋州人 尹 遼 遼志 人仲後遷沃州家

世豪侈而能折節讀書詩樂府俱有蘊藉有龍山集嘗於其外孫欽叔處見之參涪翁而得法者也

黃華王先生集四十卷 金王庭筠撰

藝辨十卷 同上

金史文藝傳王庭筠字子端文能道所欲言暮年詩律深嚴七言長篇尤工險韻有藝辨十卷文集四十卷

元好問王黃華墓碑 集 有藝辨十卷文集四十卷傳於世

中州集 三 黃華王先生庭筠字子端熊岳人 金史 有集傳

奉天通志 卷二百二十三 藝文一 書徵一 五

於世

盧文昭補遼金元藝文志王庭筠翰林集四十卷

金門詔補三史藝文志王庭筠藝辨十卷一作藝談

按補三史藝文志有王庭筠秋山應制詩三十首此應在文

集四十卷之內非別有一籍也

黃華集八卷 遼金王庭筠撰 金毓黻錄

金毓黻敘金史文藝傳載先生有藝辨十卷文集四十卷遺山

則謂別有摹刻雪溪堂帖十卷今俱不傳余仿四庫館臣輯拙

軒集之例取其所作及諸家之記載纂爲一篇釐爲八卷曰黃

華集卷一爲文卷二爲詩卷三爲詞皆先生所自作也卷四爲

家集則其父兄子姪之作也卷五爲紀事彙集王氏一家之紀

事也卷六爲題識則集錄諸家之所題咏卷七爲雜記則隨筆

所紀如干則悉以入焉余又別撰年譜列爲卷八大抵前三卷

爲正集第四卷爲閏集後四卷爲附錄茲則不復別白統以一

名此仿劉氏歸潛志以諸賢投贈詩文列爲十四卷之例也

雪溪堂帖十卷 金王庭筠撰

元好問王黃華墓志嘗被旨與舅氏宣徽公汝霖品第祕府書

畫因集所見及士大夫家藏前賢墨蹟古法帖所無者摹刻之

號雪溪堂帖一十卷

按王若虛和王子端詩寄語雪溪王處士卽由雪溪堂而起

又按金門詔補三史藝文志有王庭筠張汝方品第書法名

畫五百五十卷此言品第內府見存書畫之卷數非著錄爲

奉天通志 卷二百二十三 藝文一 書徵一 六

一籍也

又李葆恂三區翠墨簃題跋有王翰林臨宋拓雪溪堂王帖

卷是雪溪堂帖清代尙有拓本流傳故王氏據而臨之但未

見傳本王氏臨本亦未之見

高中常集 金高憲撰

中州集 五 高憲字仲常遼東人黃華之甥幼學於外家故詩筆

字畫俱有舅氏之風泰和三年乙科登第年未三十作詩已數

千首矣遼陽破歿於兵間

按高氏有詩數千首應有遺集傳世惜不見著錄蓋早佚矣

耶律文獻公集十五卷 金耶律履撰 有集傳於世

文淵閣書目 九 耶律文獻公集一部六册完全

絳雲樓書目 三 耶律文獻集 按此集據藏已不傳

元好問尙書右丞耶律公神道碑 元文十七類 晚稱忘言居士有文

數百篇論者獨推其撰著說蓋不階師授而獨得之者

盧文昭補遼金元藝文志耶律履文獻集十五卷

按元氏神道碑云葬公於義州弘政縣東南鄉先塋之側詔

同知臨海軍節度使營護喪事又公子善材墓志銘亦云葬

於義州臨海軍卽錦州也又公孫鑄寓歷亭詩注云余家遼

上後家醫無閭亦可互證全遼志謂公爲義州人亦以此

乙未曆 金耶律履撰

金史移刺履傳履秀峙通悟精曆算書繪事先是舊大明曆外

奉天通志 卷二百二十三 藝文一書徵一 遺著 金 七

誤履上乙未曆以金受命於乙未也世服其善

元好問尙書右丞耶律公神道碑 元文十七類 以大明曆積微浸差

乃取金國受命之始年誤乙未元曆云自丁巳大明曆行正隆

戊寅三月朔日當食而不之食曆家謂必當改作而朝廷不之

卹也及大定癸巳五月朔甲午十一月朔日食皆先天丁酉九

月朔乃反後天臣輒跡其差忒之由冀得中數以傳永久書成

上之

元史 三十五 曆志乙未曆大定二十年庚子耶律履造不曾行用

契丹小字譯唐書 佚金耶律履撰

女眞字譯漢文選 佚同上

元好問尙書右丞耶律公神道碑素善契丹大小字譯經潤文

旨辭達而理得大定初朝廷無事世宗銳意經籍詔以小字譯
唐史成則別以女直字傳之以便觀覽公在選中獨主其事書
上大蒙賞異改置經書所經以女眞字譯漢文選貴冑之秀異
就學焉

耶律文獻公詞一卷 校金耶律履撰人詞本趙萬里輯

虞美人朝中措念奴嬌都三首

自敘耶律文獻公集文淵閣書目 九 著錄知明初尙有傳本故

永樂大典引之然明以後久佚乾隆間四庫館臣於大典中輯

出耶律鑄雙溪醉隱集而於文獻公集獨置若罔聞耶律氏三

世之集惟履道無傳考金源史事者於此自不能無憾茲於大

典中輯得佚詞數首或足償館臣疏漏之咎於萬一歟

奉天通志 卷二百二十三 藝文一書徵一 遺著 金 八

湛然居士集十四卷 元耶律楚材撰西村舍書刻本 四庫全書總目

四庫全書總目 十六 湛然居士集十四卷 元耶律楚材撰

材撰楚材字晉卿遼東丹王八世孫金尙書右丞履之子從太

祖平定四方太宗時官至中書令至順元年追封廣寧王諡文

正事蹟具元史本傳耶律或作移刺蓋譯語之譌焦竑經籍志

以爲兩人非也是集所載詩爲多惟第八卷第十三卷十四卷

稍以書序碑記錯雜其中編次殊無體例疑傳寫者亂之史稱

其旁通天文地理術數及二氏醫卜之說宜其多有發揮而文

止於斯不敵詩之三四意者尙有佚遺歟然十四卷之數與諸

家著錄皆符或經國之暇惟以吟咏寄意未嘗留意於文筆也

王士禎池北偶談摘錄其贈李郡王筆寄平陽潤老和陳秀玉

韻贈富察元帥河中遊西園壬午元日諸詩以爲頗有風味而稱其集多有禪悅之說考僧行秀所作集序稱楚材年二十七受顯訣於萬松盡棄宿學其耽玩佛經蓋亦出於素習平水王鄰則曰按元裕之中州集載右相文獻公詩又稱趙閒閒爲吾道主盟李屏山爲中州豪傑知晉鄉學問淵源有自來矣故旁通詣極而要以儒者爲歸云云觀其詩語皆本色惟意所如不以研鍊爲工雖時時出入內典而大旨必歸於風教鄰之所云殆爲能得其真矣

四庫全書簡目目錄七 湛然居士集十四卷元耶律楚材撰楚材博通典籍於學無所不窺故其詩不甚修詞又多參禪悅然要其大旨終以風教爲歸集中詩多而文少惟第十三卷十四

卷以書序碑記與詩雜編頗無倫次或傳寫者亂之歟

盧文弨補遺金元藝文志耶律楚材湛然居士集三十五卷
七
卷二至十二卷又三卷
文
集
十
四
卷
子

金門詔補三史藝文志耶律楚材集十二卷

錢大昕元史藝文志耶律楚材湛然居士集三十五卷又十四卷

按錢氏元史藝文志釋道類有耶律楚材辨邪論當爲集中之一篇

皇極經世義

盧文弨補選金元藝文志耶律楚材皇極經世義藝文氏志元同史

西游錄一卷
聚元 耶
軒律 楚
本 材
靈撰
鶴閣
本

錢大昕元史藝文志耶律楚材西游錄

按靈鵜閣本西游錄注一卷盛如梓刪略李文田注又聚學軒本西游錄略注補一卷李文田注范壽金補

庚午元曆二卷 元耶史律曆楚志材第撰八第

元史曆志一 元初承用金大明曆庚辰歲太宗西征五月望月蝕不效二月五月朔微月見於西南中書令耶律楚材以大明曆後天乃損節氣之分減周天之秒交終之率治月轉之餘課兩曜之後先調五行之出沒以正大明曆之失且以中元庚午歲國兵南伐而天下略定推上元庚子歲天正十一月壬戌朔子正冬至日月合璧五星聯珠同會虛宿六度以應太祖受命之符又以西域中原地理殊遠創爲里差以增損之雖東西萬

奉天通志
卷二百二十三
藝文一 書徵一
遺著 元

里不復差忒遂題其名曰西征庚午元曆表上之然不果頒用
庚午元曆雖未嘗頒用其書猶在因附著於後

盧文弨補遼金元藝文志耶律楚材庚午元曆一卷曆說乙未元曆

金門詔補三史藝文志庚午元曆耶律楚材撰

錢大昕元史藝文志耶律楚材西征庚午元曆二卷

回鶻曆 元快 耶律楚材撰

輟耕錄耶律文正王於星曆筮卜維算內算音律儒釋異國之書無不通究嘗言西域曆五星密於中國乃作麻答把曆蓋回鶻曆名也

金門詔補三史藝文志麻答把曆楚材依回鶻曆撰

五星祕語一卷元耶律楚材撰

先知大數一卷元同

盧文弼補遼金元藝文志耶律楚材五星祕語一卷先知大數

一卷藝文志同

雙溪醉隱集六卷元耶律楚材撰

四庫全書總目一百六十六雙溪醉隱集八卷元耶律楚材撰

鑄字成仲遼東丹王九世孫中書令楚材之子也累官中書左

丞相卒追贈懿寧王諡文忠事蹟具元史本傳楚材佐元太祖

太宗平定天下立綱陳紀皆出其所規畫鑄少而聰敏尤工騎

射從憲宗征蜀屢建功績後三入中書定法令製雅樂多所裨

奉天通志卷二百二十三藝文一書徵一十一

贊經濟不愧其父而文章亦具有父風故元好問李治諸人皆

與款契然楚材湛然居士集尚有鈔本而鑄集久佚不傳藏書

家至不能舉其名氏惟明錢溥內閣書目有耶律丞相雙溪集

十九冊亦不詳其卷目檢勘永樂大典所收鑄雙溪醉隱集篇

什較夥有前集新集續集別集外集諸名又別載趙著麻革王

萬慶諸序跋乃為鑄年少之詩名雙溪小藥者而作是所作諸

集本各為卷帙頗有瑣碎之嫌謹哀集編次都為一集而仍以

雙溪小藥原序原跋分繫首末用存其概鑄早從征伐足蹟涉

歷多西北極遠之區故所述塞外地輿典故往往詳核如據和

林城唐明皇御書闕特勤碑證新舊唐書作特勤之誤處月丁

零二註辨論頗詳此類皆有裨於考證又其家在金元之間累

世貴顯諸習朝廷舊聞集中如瓊林園龍和宮諸賦敘述海陵

章宗軼事及宮室制度多金史所未及其他題咏亦多關係燕

都故實而帝京景物略諸書均未紀錄亦足以資博識也至於

金史耶律履傳元史耶律楚材傳均不著其里貫於史例頗為

不合今考鑄寓歷亭詩註云予家遼上後家醫無閭又五湖別

業詩註云余先居和林後寓隗臺今卜築縉雲五湖別業敘其

遷徙之蹟頗詳是尤足以補史之闕矣卷八

四庫全書簡明目錄七十雙溪醉隱集八卷元耶律鑄撰原本久

佚今從永樂大典錄出鑄早建戰功晚居政府能不媿其父楚

材文章亦復相埒而考證古蹟綜述舊聞尤為詳治

按知服齋本卷一賦卷二樂府五言古詩卷三五七言律

奉天通志卷二百二十三藝文一書徵一十二

詩卷四七言律詩卷五五七言絕句卷六七言絕句詩餘雜

著贊銘頌前有呂錕趙著麻革人皆元序末有僧性英王萬慶

刊之亦元跋光緒十六年繆荃孫由京師鈔得李文田為之箋而

又按四庫本為六卷而總目簡目皆作八卷者誤也繆氏所

鈔蓋據四庫本

雙溪醉隱樂府一卷元耶律楚材撰

盧文弼補遼金元藝文志耶律鑄雙溪醉隱樂府十一冊續分前

外元新五集藝文志同

彊邨叢書雙溪醉隱詞一卷

懷軒集三十卷元耶律希亮撰

奉天通志卷二百二十三 藝文一 書徵一 遺著 元

元史耶律希亮傳亮字明甫楚材之孫鑄之子也師事北平趙衍雖疾病不廢書或中夜起坐取燭以書所著詩文及從軍紀行錄三十卷目之曰懷軒集

按全遼志 耶律希亮鑄之子家遼東

劉秉忠文集十卷詩集二十二卷 元 劉秉忠撰

藏春集六卷 四庫全書總目 一百六十六 藏春集六卷 浙江鮑士元劉秉忠撰

四庫全書總目 一百六十六 藏春集六卷 浙江鮑士元劉秉忠撰秉忠有玉尺經已著錄秉忠博覽好學尤邃於易凡天文地理律曆三式六壬遁甲之屬無不精通故術數家言多託之以行世往往不可盡信至其所著文集見於本傳者十卷今此本祇六卷乃明處州知府馬偉所刊前五卷爲各體詩末一卷爲附錄

奉天通志 卷二百二十三 藝文一 書徵一 遺著 元 十三

諸敕誌文行狀而不及所著雜文故秉忠所上萬言書及其他奏疏見於本傳者概闕焉蓋文已佚而僅存其詩故卷目多寡與本傳不合也秉忠起自縉流身參佐命與明道衍事頗同然衍首構逆謀獲罪名教而秉忠則從容啓沃以典章禮樂爲先務卒開一代治平其人品相去懸絕故所作大都平正通達無噍殺之音史稱其詩蕭散閒澹類其爲人雖推之稍過然如小詩中鳴鳩喚住西山雨桑葉如雲麥始華之類亦未嘗不時露風致也

錢大昕元史藝文志劉秉忠文集十卷詩集二十二卷藏春集

六卷 編商 藝

金門詔補三史藝文志劉秉忠太保集十卷商挺藏春集六卷

所按此集爲商挺撰

藏春詞一卷 元 劉秉忠撰

盧文昭補遼金元藝文志劉秉忠藏春詞一卷 藝文氏志同史

玉尺經四卷 元 劉秉忠撰

四庫全書總目 一百六十六 玉尺經四卷 本通行 舊本題元劉秉忠撰

明劉基註秉忠初名侃字仲晦其先瑞州人曾祖官邢州因徙家焉少補邢臺節度府令史旋棄去隱武安山中從浮屠法更名子聰世祖在潛邸僧海雲邀與見大悅之留贊大計人稱聰書記及世祖卽位始創議建國號規模制作皆所草定至元元年拜光祿大夫太保參預中書省事更賜今名十一年卒贈太傅趙國公諡文貞後改諡文正追封常山王事蹟見元史本

奉天通志 卷二百二十三 藝文一 書徵一 遺著 元 十四

傳基有清類天文分野之書已著錄秉忠精於陰陽術數世祖稱其占事知來若合符契嘗相地建上都於龍岡又建大都城其規制皆秉忠所定顧史不載其著有是書永樂大典備收元以前地理之書亦無是編明嘉隆以前人語地學者皆未嘗引及知其晚出特依託於秉忠基註中有貴州北界之語貴州在元季爲順元宣慰司明初改貴州宣慰司永樂間始置貴州布政司基當太祖時何由與廣東雲南並稱是註之僞託亦不問可知其書言萬山起自崑崙其入中華分五嶽者爲良震巽三條又云黃河界而西北丑艮行龍長江限而東南巽辰起祖不知黃河自西北而東南依形家言當云乾亥行龍長江自西南而東北依形家言當云坤申起祖蓋承上文而自忘其謬又以

金臨火爲自焚木入金爲絕命離龍見兌坎爲自廢震龍見離兌爲傷劫不知山川蟠鬱千里百里初無定形必如所云自起祖以至落脈兌不可以入離離不可以趨兌將襲斜之谷不可以入終南九華之峯不可以趨鍾阜拘而鮮通莫此爲甚其論向篇謂龍穴之善惡從水而以生旺三合爲主是轉以巒頭之形勢繫於水口之吉凶舍本齊未益復支離自此書盛行江南地學率皆以三合爲正宗趨生趨旺從向從龍糾紛不已蓋三吳澤國言水口則易於傳會是以輾轉相承末流益熾國朝華亭蔣平階作地理辨正始攻之甚力雖平階欲盡變理氣家言未免過當然謂其竊楊賴兩家龍分順逆砂辨貴賤之緒論參以臆說詞雖瀾翻意實膚淺平階所糾要不得謂之吹索也

奉天通志

卷二百二十三

藝文一書徵一

十五

按秉忠先世居瑞州後因官於邢州遂籍於是瑞州爲今綏中縣地故以其著書入錄

錢大昕元史藝文志劉秉忠平砂玉尺經六卷後集四卷玉尺

新鏡二卷

四庫全書補遺卷四

承華事略

元高塔失不花撰

元史高宣傳宣遼陽人子天錫天錫子諒諒子塔失不花英宗居東宮塔失不花撰集前代嘉言善行名曰承華事略并畫圖風圖以進帝覽之獎諭曰汝能輔太子以正朕甚嘉之命置圖書東宮命太子時時觀省

按元王惲秋澗大全集內有承華事略六卷又金門詔補三史藝文志有元馬祖常承華事略皆爲別一種

奉天通志

卷二百二十三

藝文一

書徵一

遺著

元

醫閭集九卷

明賀欽撰

四庫本

遼海叢書本

四庫全書總目一百七醫閭集九卷明賀欽撰欽字克恭其先浙之定海人以戌籍隸遼東義州衛登成化丙戌進士授戶科給事中謝病歸安治初起陝西參議檄未至而母歿乃上疏懇辭服闋遂不復出事蹟具明史儒林傳此編乃其子士諾蒐輯遺稿並生平言行都爲一集前三卷爲言行錄四卷至七卷爲存稿皆雜文第八卷爲奏稿第九卷爲詩稿以欽常讀書醫巫問山自號醫閭山人因以名集欽之學出於陳獻章然獻章之學主靜悟欽之學則期於反身實踐能補苴其師之所偏嘗言爲學不在求之高遠在主靜以收放心而已故集中所錄言行皆平易真樸非高談性命者可比而所上諸奏疏亦皆通達治奉天通志

卷二百二十三

藝文一書徵一

十六

理確然可見諸施行在講學諸人之中獨爲篤實而純正文章雖多信筆揮灑不甚修詞而仁義之言藹然可見固不必以工拙論也

四庫全書簡明目錄

八十

醫閭集九卷明賀欽撰其子士諾編欽學雖出陳獻章然獻章主靜而欽主敬躬行實踐乃遠過其師故言行錄三卷皆平易直樸奏議一卷皆剴切達文四卷詩一卷雖不修詞而深有仁義藹如之意

李承勳敘今夏士諾輩錄先生言行詩文奏議共若干卷遺余於戲先生之學不可以言語文字求今先生往矣舍言語文字何以見先生之心謹敘而傳之

陳仁錫敘是書得之前屯賀訓導君卿以選貢扞危城率先道

義及進香河令勤政懷撫恤遺黎公賢子孫也乞余序以傳先生

全遼志 四 正德辛巳都御史李承勳序刊醫閭文集四卷行於世 按此四卷本即世在九卷本內

按卷一至卷三言行錄卷四至七存稿卷八奏稿卷九詩稿鄭曉校定唐順之重校

醫閭漫記一卷 明 紀 錄 彙 編 本 續 說 郭 本

按醫閭集卷七有漫記一篇凡三十則文與著錄於紀錄彙編續說郭者同蓋自集中鈔出而別行者

遼城吟稿 明 畢 恭 撰

遼東志 六 畢恭字以謙前屯衛人官至署都指揮僉事掌都司奉天通志 卷二百二十三 藝文一 書徵一 遺著 明 十七

印所著有遼城吟稿

皇華集 明 陳 鑑 撰

遼東志 六 陳鑑字緝熙蓋州衛人官翰林修撰學士使朝鮮有

皇華集行於世

裔菴稿 明 張 升 撰

遼東志 六 張升字允升定遼中衛人所著有裔菴集行於世 遼 全

志 作 柳 庫 稿

復菴詩集 明 王 泰 撰

遼東志 六 王春字景陽號復菴其先撫寧人曾祖信謫居遼東

廣寧左屯衛有復菴詩集行於世

黃齋集 明 王 道 中 撰

永平府志 五 十六 王道中撫寧人正德甲戌進士著有黃齋集按遼東志 六 王春子道中大理少卿據此則道中亦籍廣寧

左屯衛

沙洲稿四卷 明 徐 景 嵩 撰

全遼志 四 徐景嵩字伯瞻定遼中衛人正德甲戌進士有沙洲稿四卷藏於家

養正篇 明 孫 麟 撰

小四書 明 上

養蒙大訓 明 上

山西通志 九 十六 孫磐遼東人弘治間以進士知陵川縣彈心

風教偏立社學集養正篇小四書養蒙大訓悉為刊布之

奉天通志 卷二百二十三 文藝一 書徵一 遺著 明 十八

按題名碑孫磐遼東定遼中衛軍籍山東掖縣人弘治丙辰進士官徽通志作義州人正德朝分巡潁州兵備道

冷菴文集 明 李 遇 春 撰

全遼志 四 李遇春字朝陽定遼前衛人所著有冷菴文集

大藏釋音寶鏡十卷 明 僧 行 榮 編 注

遼東志 六 行榮東寧衛人住廣佑禪林深於聲韻之學編注大藏釋音寶鏡凡十卷廣搜遠引咸有根據辛勤三十年而始成

古詩紀一百五十六卷 明 馮 惟 訥 撰 庫 本

風雅廣逸七卷 明 上 詩 紀 之 前 集

四庫全書總目 十 九 百 八 古詩紀一百五十六卷 內 本 明 馮 惟 訥 撰

撰惟訥字汝言臨朐人嘉靖戊戌進士官至江西左布政使加

光祿寺卿致仕事蹟附見明史馮琦傳其書前集十卷皆古逸

詩正集一百三十卷則漢魏以下陳隋以前之詩外集四卷附

錄仙鬼之詩別集十二卷則前人論詩之語也時代縣長探摭

繁富其中真偽錯雜以及抵牾外漏所不能無故馮舒作詩紀

匡謬以糾其失然上薄古初下迄六代有韻之作無不兼收溯

詩家之淵源者不能外是書而別求固亦探珠之滄海伐木之

鄧林也厥後臧懋循古詩所張之象古詩類苑梅鼎祚八代詩

乘相繼而出總以是書為藍本然懋循書雖稱補此書之闕而

摭拾繁猥珠礫混淆又割裂分體不以時代為次使閱者茫不

得正變之源流之象書又以題編次竟作類書鼎祚書僅漢魏

全錄晉宋以下皆從刪節已非完備之觀而漢魏詩中如所增

奉天通志

卷二百二十三

藝文一書徵一

遺著明

十九

蘇武妻詩之類又深為藝林之笑噓故至今惟惟訥此編為詩

家圭臬初太原甄敬為刊版於陝西一依惟訥原次而割刪甚

拙復間有舛譌此本為吳琯等重刊雖去其前集正集外集別

集之名合併為一百五十六卷而次第悉如其舊校讐亦較甄

本為詳故今從吳本錄之惟訥別有風雅廣逸十卷核其所載

卽此編之前集蓋初輯古逸諸篇先刊別行後乃續成漢魏以

下併為一編實非有二今特別存其目而其書則不復錄焉

四庫全書簡目目錄

古詩紀一百五十六卷明馮惟訥編原

本前集十卷正集一百三十卷外集四卷別集十二卷此本為

吳琯所刊通為一集卷數次第則琯所竄亂也所錄詩上起初

古下迄陳隋遺文佚句一一登載六朝以前有韻之文以此編

為淵藪後人間有補綴不過掇拾畸零耳

明史藝文志馮惟訥古詩紀一百五十六卷風雅廣逸七卷

按明史馮琦傳琦臨朐人自曾祖裕以下累世皆進士裕字

伯順以成籍生於遼東師事賀欽有學行從祖惟訥字汝言

有文名又題名碑馮惟訥遼東廣寧左衛軍籍山東臨朐縣

人據此則惟訥屬籍遼東而居於臨朐

光錄集十卷

明史藝文志馮惟訥光錄集十卷

徐氏培林堂書目馮惟訥光錄詩集十卷

陂門集八卷

明史藝文志馮惟健陂門集八卷

奉天通志

卷二百二十三

藝文一書徵一

遺著明

二十

宋史紀事本末二十六卷

明史藝文志馮琦宋史紀事本末二十八卷

四庫全書總目

宋史紀事本末

瞻字德遠高安人萬歷戊戌進士官至兵部左侍郎事蹟具明

史本傳初禮部侍郎臨朐馮琦欲仿通鑑紀事本末例論次宋

事分類相比以續袁樞之書未就而沒御史南昌劉曰梧得其

遺稿因屬邦瞻增訂成編大抵本於琦者十之三出於邦瞻者

十之七自太祖代周迄文謝之死凡分一百九目於一代興廢

治亂之迹梗概略具袁樞義例最為賅博其鎔鑄貫串亦極精

密邦瞻能墨守不變故銓敘頗有條理諸史之中宋史最為蕪

穢不似資治通鑑本有脈絡可尋此書部列區分使一一就緒

其書雖稍亞於樞其尋繹之功乃視樞爲倍矣惟是書中紀事既兼及遼金兩朝當時南北分疆未能統一自當稱宋遼金三史紀事方於體例無乖乃專用宋史標名殊涉偏見至元史紀事本末邦瞻已別有成書此內如蒙古諸帝之立蒙古立國之制諸篇皆專紀元初事實卽應析歸元紀之中使其首尾相接乃以臨安未破一概列在宋編尤失於限斷此外因仍宋史之舊外譌疏漏未及訂正者亦所不免然於紀載冗雜之內實有披榛得路之功讀通鑑者不可無袁樞之書讀宋史者亦不可無此一編也

四庫全書簡明目錄五 宋史紀事本末二十六卷明陳邦瞻撰初馮琦類次宋事以續袁樞之書未成而沒是書因琦遺稿者奉天通志 卷二百二十三 藝文一 書徵一 遺著 明 二十二

十之三自補葺者十之七凡一百九篇諸史之中宋史最爲蕪穢不似資治通鑑端緒易尋邦瞻排比棼絲俾就條理其書雖亞於袁樞其難則較樞十倍矣

書目答問補正宋史紀事本末二十六卷明馮琦原編陳邦瞻纂補南昌局繙張溥評校本一百九卷

經濟類編一百卷 明 馮 琦 撰 宋 見 馮 琦 撰

明史藝文志馮琦經濟類編一百卷

宗伯集八十一卷 明 馮 琦 撰 宋 見 馮 琦 撰

北海集 宋 見 馮 琦 撰

明史藝文志馮琦宗伯集八十一卷

山東通志志 稿 人物志馮琦字琢菴所著有北海集

按題名碑馮琦遼東廣寧左衛軍籍臨朐人與惟訥同

常熟水利 明 耿 儀 撰 宋 見 耿 儀 撰

常熟興革實政 明 耿 儀 撰 宋 見 耿 儀 撰

江南通志職官志名宦 明 耿 儀 撰 宋 見 耿 儀 撰 耿橘潘陽人萬曆中知常熟首

復子游書院溶福山鹽鐵梅李諸塘工畢而民不擾著有常熟

水利興革實政二書

按耿氏河間人明洪武三十一年置潘陽中屯衛後寄治河

間耿氏隸軍籍故稱潘陽人

籌邊纂議四卷 明 鄭 文 彬 撰 明 鄭 文 彬 撰

清開國史料考 籌邊纂議四卷明奉政大夫山西潞安府同

知管理蒲州事遼海鄭文彬撰是書記歷代邊事作者成於明

奉天通志 卷二百二十三 藝文一 書徵一 遺著 明 二十二

萬曆十八年故於遼事尙未甚詳其卷四有招元將納哈出兩條

按鄭文彬遼東人仕籍未詳

襄平先生幽憤錄八卷 明 修 卜 年 撰 海 鹽 朱 氏 藏 原 刻 本

清開國史料考 襄平先生幽憤錄八卷明遼陽佟卜年八百

撰卜年被杜茂李永芳李春非所誣私通建州被罪自裁作幽

憤錄以見意卜年遼陽人舉進士歷知南皮河間遷夔州同知

未行經略廷弼薦爲登萊監軍僉事是書內容爲自撰幽憤先

生傳鳴冤疏鳴冤揭揭冤再揭檻車詠等前有錢牧齋周亮工

序餘均題跋

雪橋詩話續集 明故監軍道佟卜年初以進士令南皮改任

河間有惠政憲宗初坐撫順族人佟養性與本朝通謀無辜死於獄被難時以誥命遣文付故吏後三十年公子滙白中丞以僉都御史撫閩過南皮故吏獻之並祠其主于學宮

伯曲憤錄詩年

錢謙益敘佟氏幽憤錄者故登萊僉事觀瀾佟公當絕命時自著幽憤先生傳其子今閩撫思遠並出其對簿之揭與檻車之詩集錄以上史館者也

金丹直指一卷

三張全一本

金丹祕旨一卷

同上

明史藝文志張三丰金丹直指一卷金丹祕旨一卷

又張三丰傳三丰遼東懿州人名全一名君實三丰其號也

奉天通志

卷二百二十三

藝文一書微一遺著明

二十三

張三丰全集九卷

通行張全本

撰

明李西月編

卷一序諸傳仙派正訛顯蹟卷二古文隱鑑卷三大道論玄機

直講道言淺近卷四玄要篇卷五雲水集卷六天口篇訓世文

卷七九里經三教經度人經菩提經鐘偈卷八水石閒談古今

題贈隱鏡彙記卷九無根樹二註

凡例明史藝文志道書中有先生金丹直指金丹祕訣一卷卽

今大道論玄機直講與玄要篇也

右起晉訖明

奉天通志卷二百二十三

奉天通志卷二百二十四

藝文二 書徵

書徵二 遺著

北海集

宋清 鄂範撰

熙朝雅頌集一鄂貌圖字麟開一字遇堯滿洲人崇德辛巳鄉試第一累官祕書院學士有北海集

張玉書鄂公墓誌

貞眼 集文

公姓張佳氏始祖以下世居長白山鄂

莫和索洛之地曾祖始遷輝發祖又遷葉赫公以其餘力登臨覽觀感時物紀風土錯載於篇什詠歎之內如所遺北海集其什伯之一二也

范忠貞集十卷

清范承謨撰

奉天通志

卷二百二十四

藝文二 書徵二 遺著 清

一

四庫全書總目

一百七十三

忠貞集十卷

浙江 國朝

范承謨撰

承謨字觀公號螺山鑲黃旗漢軍大學士文程子也初充侍衛

順治辛卯詔八旗子弟均得應試遂以是科中式舉人次年壬

辰成進士改庶吉士授宏文院編修官至浙閩總督康熙壬子

逆藩耿精忠叛承謨抗節死賜諡忠貞其所作畫壁詩石門吳震

方嘗刻之說鈴中爲世傳誦是編乃其全集爲清苑劉可書所

編首諭祭文御製碑文御題祠額附以家傳及祠堂記共爲一

卷次撫浙奏議一卷次督閩奏議一卷次吾廬存稿一卷次百

苦吟一卷次畫壁遺稿一卷次雜著一卷次附錄題跋哀挽詩

文三卷康熙五十七年其子時崇以畫壁遺稿進呈聖祖仁皇

帝親製序文褒揚忠烈宸章下賁光速幽泉今謹錄冠集端用

示我國家扶植綱常風勵臣節之至意至承謨所上奏議大都

明白數暢多有關國計之言詩文直抒胸臆慷慨激昂嚼齟裂

皆之狀至今猶可以想見文以人重承謨之謂矣

四庫全書簡明目錄

八十

范忠貞集十卷國朝范承謨撰承謨遭

遇逆藩捐生完節其畫壁詩一卷吳震方刻於說鈴中天下傳

誦此編乃其全集奏議具見經略詩文皆正氣凜然特錄存之

併恭錄聖祖仁皇帝御製序文并諸簡首用昭扶植綱常之至

意焉

熙朝雅頌集一范承謨字觀公一字螺山有吾廬存稿百苦吟

畫壁遺稿

八旗文經作者考范承謨集十卷首諭祭文御製碑文御題祠

奉天通志

卷二百二十四

藝文二 書徵二 遺著 清

二

額附以家傳及祠堂記共一卷次撫浙奏議一卷次督閩奏議

一卷次吾廬存稿一卷次百苦吟一卷次畫壁遺稿一卷次雜

著一卷次附錄題跋哀挽詩文三卷

畫壁遺稿一卷

清范承謨撰

說鈴本

四庫全書總目

一百八十二

畫壁遺稿一卷

撰承謨有忠貞集已著錄康熙壬子承謨總督閩浙值逆藩耿

精忠謀反巡撫劉秉政輸情於賊給承謨入見脅令從逆承謨

詆罵不屈遂爲所拘繫被幽者三載備受窘毒時作詩歌以自

抒忠憤守者屏絕筆墨乃以桴炭畫字壁上其尤激烈者輒爲

賊黨墮去僅存四十七首承謨自爲之序已彙載入忠貞集中

此乃石門吳震方錄入說鈴之本也

雪橋詩話 范忠貞畫壁詩一卷吳震方刻入說鈴

通鑑參注 清 范 承 勳 撰

八旗文經作者考 范承勳字蘇公 一作號眉山別號九松文程

第三子著有通鑑參注 雞足山志世美堂詩文奏疏

雞足山志十卷 清 范 承 勳 撰

四庫全書總目 理十七 地 雞足山志十卷 附 家 國 朝 范 承

勳撰承勳鑲黃旗漢軍大學士文程之子浙閩總督承謨之弟

官至雲貴總督雞足山在雲南賓川州東一百里一頂三支儼

如雞距在滄山洱海之間相傳為迦葉尊者入定處佛事最多

故志山者多述佛門之事是編乃康熙三十一年承勳因舊本

增修分圖紀考證星野形勢山水寺院人物靈蹟物產藝文凡

奉天通志 卷二百二十四 藝文一 書徵二 遺著 清 三

十門而以迦葉像讚冠於卷端焉 八 旗 通 志

大清一統志 京 范 承 勳 奉 天 鑲 黃 旗 人

雪橋詩話續集 康熙二十五年范眉山尚書總督雲貴纂修

通志雞足山在賓川州東一百里一頂三支儼如雞距在滄山

洱海之間相傳為迦葉尊者入定處佛事最多故志山者多志

佛門之事眉山因舊本增修成雞足山志十卷

世美堂集 清 范 承 勳 撰

雪橋詩話 三 范蘇公尚書文肅第三子自號眉山植松九別號

九松有世美堂詩文奏疏

雛鳳堂集 清 范 承 勳 撰

熙朝雅頌集 十 范承烈字彥公累官戶部侍郎有雛鳳堂集

清詩的范承烈允公瀋陽人

雪橋詩話 三 范蘇公弟彥公司農承烈有雛鳳堂集

潛索錄四卷 清 范 承 勳 撰

八旗通志藝文志潛索錄四卷范宏禧撰宏禧鑲黃旗漢軍大

學士文程曾孫也幼以苦學致羸疾遂不求仕進惟耽玩宋儒

之書是編多推尋易理皆其病中所笥記歿後其子建幟為刊

板前有乾隆壬申孫嘉淦序其學即數以求理宗派在邵陳程

朱之間

徵音集一冊 清 梁 儒 撰

熙朝雅頌集 梁儒字宗洙漢軍人順治乙未進士累官江南

提學道僉事有徵音集

奉天通志 卷二百二十四 藝文一 書徵二 遺著 清 四

清詩人徵略 二 梁儒字宗洙漢軍人順治二年進士有徵音

集

義州梁氏族譜儒字宗洙順治乙未進士初任河南靈寶縣知

縣陞江南提學道著有徵音集一冊

按河南通志職官梁儒義州人順治進士又義縣志亦有著

錄隸漢軍正白旗

撫浙疏草五卷 清 朱 昌 祚 撰

清史稿藝文志朱昌祚撫浙疏草五卷

按清史稿朱昌祚字雲門漢軍鑲白旗人累官直隸山東河

南三省總督河南通志名宦朱昌祚遼東人

奉天形勢一卷 清 方 震 猷 撰 遺 著 清 本

按張氏鐵嶺人官奉天府尹

峨嵋山志十八卷

清曹熙衡撰

四庫全書總目 七十六地理存目

峨嵋山志十八卷

清曹熙衡撰

本國朝曹熙衡撰熙衡字素徵錦州人順治中官至貴州按察

使是編因蔣超舊志成於疾病之餘未能條理明晰故即其本

而重訂之然據卷首修山志說實戎州宋隸樟所定熙衡時分

巡建昌道董其事耳末一卷爲志餘仍題超名而中論普賢住

世一條有宜太史蔣公之辨論語則亦非超之本文矣

章江集五卷

清安世鼎撰

四庫全書總目 別集卷八十三 章江集五卷

內本國朝安世鼎撰

世鼎字鑄九鑲紅旗漢軍由保德州知州官至江西巡撫此集

奉天通志 卷二百二十四

藝文二書徵二

五

乃世鼎自輯歷官奏疏以及文移條告諸篇編爲是集後附以

書記序二十一篇皆在江西時作也

按山西通志名宦世鼎遼陽人貢士順治七年任保德州知

州畿輔通志作遼東人順治十五年任口北道

欽州志

清喻三畏撰

廉州府志 十八 喻三畏字念茲奉天鐵嶺人順治十七年任欽

州牧輯州志

高明縣志

清魯傑撰

肇慶府志 十三 魯傑濟陽人康熙三年任修縣志

滕王閣集十三卷續集無卷數

清蔡士英編

撫江集

同上

督漕奏議

同上

四庫全書總目 總集卷九十四 滕王閣集十三卷滕王閣續集無

卷數

江西臨江府人國朝蔡士英編士英字伯彥奉天人官漕運總

督順治十四年士英巡撫江西葺滕王閣因集自唐至明登臨

紀勝之作分類詮次爲十三卷又徵今人詩文爲二巨册但分

體而不分卷蓋欲附入前集各體後也陳維崧迦陵集有滕王

閣賦絕工麗非諸人所及然是集不載或刊版時尚未得其稿

歟

八旗文經作者考蔡士英字伯彥號魁吾錦州人隸漢軍正白

旗巡撫江西總督漕運卒諡襄勤有撫江集督漕奏議滕王閣

集

奉天通志 卷二百二十四

藝文二書徵二

六

通鑑本末紀要八十四卷

清蔡榮甲子撰 華亭林安國注

八旗文經作者考蔡毓榮字仁菴士英次子著有通鑑本末紀

要

雪橋詩話續集 三 蔡仁菴尙書所刻通鑑紀事本末箋注一百

卷爲華亭林安國上舍子卿著

按八旗文經有士英書通鑑本末紀要簡端示仲兒一首

又按王士禎蔡公神道碑公諱毓榮字仁菴別字顯齊其先

江南人始祖清明初以軍功世襲武節將軍居遼東左屯衛

遂隸籍

又按雪橋詩話所紀之通鑑紀事本末箋注卽爲通鑑本末

紀要而其名稱卷數俱異不識何故

守素堂詩集清蔡瑛撰

八旗文經作者考蔡瑛字若璞號禹功別號松山季子毓榮子

有守素堂集

熙朝雅頌集八十蔡瑛字若璞號禹功康熙丁丑進士累官吏部

尙書有守素堂集

雪橋詩話三蔡將軍從子若璞尙書瑛守素堂集

楞嚴會歸十卷清蔡瑛撰

雪橋詩話三若璞深入佛海著有楞嚴會歸十卷高文良爲之

校刊

蘊真軒小草三卷詩餘一卷清蔡瑛撰

清詩別裁集蔡琬字季玉遼陽人綏遠將軍毓榮女高文良公

奉天通志卷二百二十四藝文二書徵二遺著清七

其倬繼室著有蘊真軒小草夫人無書不讀詩集無可覓於選

本中錄取四章皆擲地有聲者

熙朝雅頌集一作集蔡琬字季玉漢軍人戶部尙書高其倬繼妻

有蘊真軒詩鈔

八旗文經作者考蔡毓榮女琬季玉高文良繼室有蘊真軒小

草

雪橋詩話三文良公繼室玉夫人綏遠將軍毓榮女有蘊真軒

詩鈔二卷詩餘一卷

趙清獻奏議清趙廷臣撰

八旗文經作者考趙廷臣字君鄰鐵嶺人浙江總督卒諡清獻

有奏議

奉天通志 卷二百二十四 藝文二 書徵二 遺著 清

彙草辨疑十二卷清馬繼嶽撰

擊斃樓遺稿同上

八旗文經作者考馬文毅殉節桂林著有彙草辨疑

厲鶚書馬文毅彙草辨疑後襲平馬文毅公以名家子受知聖

祖仁皇帝出撫粵西值吳賊鴟張時公衛社力窮爲叛將所執

幽繫四載竟罹兇饑公生平能文章工草法當蒙難日取宣城

梅氏字彙爲前人草書各體分其部居一一精審公之從容就

義由於所養有素此足徵矣侍姬顧氏亦能書奉公遺筆標識

而絨縞之姬亦從公死公子少宰公入粵尋公瘞骨得之兵燹

之餘今公文孫丹如使君來守婺州余因思謁鈴閣於雙谿再

拜展觀以證張伯英之說焉清馬繼嶽撰

奉天通志卷二百二十四藝文二書徵二遺著清八

雪橋詩話三幕客孫成陳文煥以公所著擊斃樓遺稿及彙草

辨疑歸之公子世濟

錢載題彙草辨疑詩拘囚方四年幽憤草聖傳鈎摹十二帙草

字雜體無斯全唐表行餘撰斯非皇象急就篇又豈浮屠

永素能專前正書況釋顧姬筆姬亦從公舊死歸於天清馬繼嶽撰

諸錦觀馬文毅公彙草辨疑書冊詩辨疑兩縛公所寫捧來恍

若騎箕下當時逆帥同姓名合鑄黃金網惡馬清馬繼嶽撰孫吳

作賊虛懸軍聲聲思死封疆臣憐公僅辦擊賊斃作伴尙有中

書君怒視鬱屈不流宕裂月撐霆排榻上畫沙空倚平原顏籌

筆數揮丞相亮君門萬里難補戈一羣那促蔡州鵝春蛇秋蚓

化爲螯筆鋒鋒鏖摧蛟鼉氣豪心壯臣節禿雨粟噉鬼夜哭

四七八五